

靈寶縣志

卷之三	建設
卷之四	賦稅
	土產

卷之三 建設

廣土衆民縮以政事通都大邑各具規模周禮司空掌邦土度地居民置官師隆典禮所以辨上下厚風俗也靈寶居中州西陲建置載在舊志釐然可考然年經數十政又屢更舊日所存十廢八九近年所建沿革既異典籍應更謹舉四款臚列于後

甲 城池

一邑之有城池非以壯觀瞻也縮符百里責任非輕設庫立倉不應漫藏而誨盜催科聽訟豈可露處以臨民古人云重門擊柝以待暴客良有以也志城池

按縣城地址考之舊志爲隋開皇十六年所創至城池之規模明以前不能詳考其可攷者爲明景泰元年邑令夏永甯重建週三里六十步高二丈五尺厚一丈七尺堦口一千其門三東曰來紫西曰拱華南曰歌薰至南之東又有門三中曰洙泗宮牆左曰禮門右曰義路前臨泮池諸生遊泮時始啓明嘉靖八年教諭李淑洪重修崇禎年間邑令谷萬方修城時併堦口一千爲五百用磚包西城一面東城十之七南城四十丈北城二十丈因遭流寇工未告成池本寬深一丈五尺清順治十三年前令梁儒重鑿康熙十五年大水復淤前令尚天祿添建城樓三座東曰仙令閣西曰觀瀾樓北曰

介眉樓二十三年前令江蘩又于南城建樓曰三異樓復鑿池沿壕植柳數百株雍正五年前令程世綏加築土隄嘉靖二十四年九月地震城塌前令呂子珏請帑重修共用工料銀二萬三千九百餘兩較前完固由是而後時有補修無大工程民國初年創修四隅角樓足避鎗炮民國二十二年經孫縣長將內隍及城梁補修完善而城樓修理需費甚鉅現正籌款興修然城壕久湮爲商民所侵佔築屋列市直達城根欲復故址頗費經營

乙 黨政機關人民團體

社會者有機體也交通爲氣管渠道爲血脈橋梁爲骨節之靈寶縣志

卷二 建設 二 新豫印刷所承印

機

連絡各輔治機關爲五臟六腑關之主體爲腦筋是以機關完全然後氣血可以流通肌肉可以發達靈邑雖蕞爾一邑然有黨務有政治有土地有人民有財政有教育其統治分治之機關團體固不可不完全建設也志黨政機關及人民團體

- 一 縣黨部 地址在城內黨化街南首前院屏門一座西房三間中院東西屋各三間附小屋各二間上房後房各五間民國十六年十月省黨部派籌備委員四人成立黨務籌備委員會十七年七月由省黨部派指導委員四人改組爲黨務指導委員會十二月舉行第一次全縣代表

大會選舉執行委員五人監察委員三人成立第一屆執行委員會及監察委員會二十年一月省黨部派整理委員四人改爲黨務整理委員會十一月一日舉行第二次全縣代表大會選舉執行委員三人監察委員一人成立第二屆執行委員會二十二年九月又變更組織省黨部委派幹事一人書記一人並任用錄事一人轄區黨部三區分部九人民團體二十一

二 縣政府 在城內北街其地址前臨東西大街後靠北城門樓南有照壁一座街北大門五間前院東西房各六間大禮堂五間中院東西房七間懸門一間東西房各二

間二堂五間平門一間東西房各三間三堂七間西院一所上房三間東西房各四間門樓一間東花庭南房三間北房三間西花庭南房三間北房三間共計房屋八十四間惟多已損壞經孫縣長翻蓋修補縣府西設監獄一座看守所一座征收處五間推收所三間縣府組織計縣長一員兼理司法承審一員管獄員並看守所長一員第一科科長一員事務員二員第二科科長一員科員兼金庫主任一員會計主任一員第三科科長一員技術員一員度量衡檢定員一員雇用書記勤務若干名傳喚訴訟催收丁賦用警察若干名

三 教育局 地址在東西大街路北縣署之西東隣民衆教育館西隣縣立第一小學校辦公室一間招待室一間各職員室十五間儲藏室二間勤務室一間廚房二間按三等局組織局長一員縣督學一員總務課主任一員學校教育課主任一員社會教育課由總務課兼任課員三員六學區教育委員除第一學區委員由縣督學兼任外共設學區委員五人

四 財務委員會 地址在縣署西教育局北北房五間東房二間門樓一間組織按二等縣除縣署第二科科長爲當然委員外由地方法團公推八人由縣長聘任於九委

員中推委員長一人出納組主任一人審核組主任一人書記二名勤務廚夫各一名

五 農業推廣所 地址在縣政府中院東廂房設指導員一員事務員一員

六 民生工廠 地址在縣黨部後院設廠長一員技師一員事務員一員分織染兩科

七 第一區區公所 地址在本城東街路北係借用明四名臣祠房屋十一間設區長兼區隊長一員區隊副一員區員一員僱員一員勤務二名

八 第二區區公所 地址在縣城東南二十五里下莊村

就該村東首路北玉陽觀改造北房十八間東西廂房六間門樓一座炮樓四座設區長一員區員一員僱員二員勤務二名區隊長由區長兼任設區隊副一員

九 第三區區公所 地址在縣城西南四十里水泉源村北房五間後院東西房各三間腰房三間前院東西房各三間窰三孔炮樓一座設區長一員兼區隊長區員一員僱員一員勤務二名區隊副一員

十 第四區區公所 地址在城南四十里宏農澗西岸號略鎮中街路北後上房五間東廂房三間中上房五間東西廂房各二間屏門一間腰房五間前院東西廂房各七

間又平房五間炮樓一座西院北房三間西房三間後門炮樓一座設區長一員兼區隊長區員一員僱員一員區隊副一員勤務二名

十一 第五區區公所 地址在縣城東南四十里霸河東岸川口鎮街西上房五間門房三間炮樓兩座設區長一員兼區隊長區員一員僱員一員區隊副一員勤務二名

十二 第六區區公所 地址在城南百里朱陽鎮東菓園頭村窰五孔上房三間東西廂房各三間門房五間炮樓二座設區長一員兼區隊長區員一員僱員一員區隊副一員勤務二名

十三 抗日救國會 附設縣黨部前院設委員兼常務委員三人委員四人

十四 新生活運動促進會 附設縣黨部內設幹事兼常務幹事一人幹事六人書記一人

十五 縣農會 地址在縣黨部後院西房兩間北房一間設幹事兼幹事長一人幹事四人

十六 教育會 地址在教育局後院北房兩間設幹事兼幹事長一人幹事四人

十七 縣商會 地址在城內廟巷樓房一座上房三間後房三間設執行委員會常務委員兼主席一人常務委員

四人執行委員十五人監察委員會委員兼常務委員一人監察委員六人轄同業公會八

十八 號鎮商會 地址在號鎮西大街上房五間西房三間轄同業公會四

十九 學生自治會 附設縣師範學校內設幹事兼常務幹事一人幹事四人

二十 民船船員工會 地址在西關黑路巷內房屋兩間組織理事會設理事兼常務理事一人理事六人監事會設監事兼常務監事一人監事二人

二十一 廚業工會 地址在城內北大街又一邨內組織

與民船船員工會同

二十二 理髮工會 地址在城內北大街房屋一間其組織與廚業工會同

丙 交通

人民知識進步之遲速生活程度之高低均與交通之難易爲正比例靈邑南山北河秦嶺橫斷向所藉以爲交通者東西只函谷關一軌之羊腸南北只官道口一綫之鳥道故其人多拘滯少開擴今則交通大闢消息靈活名士達人來往不斷天津上海貨物如潮而地方之人情風俗將來必爲之一大變矣志交通

- 一 鐵道 東由陝縣入境西接閿鄉縣境東西五十八里鐵橋四山洞五民國十一年開辦十九年開車
- 二 汽車道 由陝州接閿鄉東西六十里民國十七年由吳公山督辦造成自鐵路交通後汽車已寥若晨星矣
- 三 馬車道 由曲沃鎮入境西由楊家槽出境中間經縣城越宏農澗穿函谷關東西六十里其道最古亦最險南北馬車道由縣城通虢鎮共四十里現時劃成縣道加寬修築

四 航路 黃河航路西由禹甸入境東由官莊出境因流沙高下不定不能通行輪船但有土船上下行駛載陝甘

之貨東出裝東方雜貨西上東西水程六十里

五 航空線 東由陝州入境西往閩鄉其航線在秦山之北黃河之南民國二十二年開行

六 渡口 靈寶北靠黃河隔河通山西境一切客貨全賴渡船縣城北二里爲洹津通山西芮城西境有大禹渡亦通山西芮城東境有洪陽渡俗呼葛趙渡通山西平陸均係日日開渡

七 省道 一陝潼公路由陝縣入境中越曲沃縣城南關稠桑入閩鄉早已完成二洛潼公路由閩鄉入境中越虢鎮南行至官道口入盧氏現正勘辦尙未通車

靈寶縣志

卷二

建設

八

新豫印刷所承印

八 郵政 民國七年六月于縣城設二等郵局人員七名曲沃虢鎮常灣設三分站辦理匯兌儲金包裹信件等務陸寄環境三百六十里火車寄信隨隴海鐵路

九 電報 民國十五年成立局中主任一人報務員一人綫工一人差役一人直達通電東至陝州西至潼關

十 電話 民國二十二年八月靈寶設長途營業電話由電報局兼辦縣政府另設環境電話局經理軍用長途電話及環境電話

十一 橋梁 雙虹橋在城西宏農澗上秋末而成至夏而撤以防冲毀交通橋在洋池左沙河橋在縣西二十里稠桑鎮好陽橋在城東十里之北村曲

右前邑令張繼善建周淦重修

沃橋在城東二十里之曲沃鎮 店頭橋在城南十五里 虢州橋在虢略鎮東 南村橋在城南七

在城南六十里 五畝底橋在城南六十里 崔家磨橋在城南七十里 宋曲橋在城南七

十里 薄龍灣橋在城南十五里 台頭橋在城南八十里 長橋在城南一百里 峽里

橋在城南十五里 朱陽橋在城南一百里 魚現橋在城南一百零五里 瓦瑤頭橋

在城南一百一十里 魚窟寺橋在城南一百二十里 沙底河橋在城南一百四十里 遇仙

橋在禮村

以上橋梁多係鄰近村民每年照例修搭冬成夏去以利交通逐年分攤無一定款項

丁 渠道

水利為民衆之生命渠道為水利之根源經理得當水無汎

流則谷量之收入必增人民之經濟可裕但城南二十里外婁下馬泉諸泉合流北下而東西原夾峙除河路外田地無多所謂有餘水而無餘田也二十五里以南東西原相去二十餘里中間可澆之田甚多而宏農灞底兩河稍見天旱上流全乾所謂有餘田而無餘水也歷年勘驗水利人員見下流之有餘水不究其來源之遠近在上流無餘水之地妄開新渠怨聲載道成績全無起民間之詞訟生千秋之葛藤均以其真相不明也若欲息事甯人莫如一概仍舊非不求進取水利已盡勢不能復增也志渠道
宏農澗西岸渠十八道

北灣渠 自王梁村東起至城西掛榜崖前止灌田二頃零

德盛渠 自店頭村起經王梁村至孟村北止灌田三頃七十畝零

清猶渠 自店頭村起至王梁村止灌田五十畝零

北永清渠 自坡頭村起至店頭村止灌田兩頃零

康民渠 自岸底村起至西留村東止灌田五十畝零

大清渠 自虢略鎮東起經南北田村牛莊至墻底村止灌田六頃零

北小清渠 自田村東起至牛莊村止灌田兩頃零

北得勝渠 自老鸛窩起經淪渡口中南營村周家溝杜家坡小

靈寶縣志

卷二

建設

十

新豫印刷所承印

寨村北止共灌田六頃零

永清渠 自虢略鎮南起經五龍頭南田村北田村至牛莊村北止灌田一十四頃零

南小清渠 自淪渡口村東南起經南營村至陰家門始灌田至虢州古城北止共灌田一十六頃零

永盛渠 自南灘村起經淪渡口至萬宿底村北止灌田五頃零

南得勝渠 自漢王廟下起經五洞溝老鸛坡南灘村淪渡口至南營村止共灌田六頃零

樂民渠 自西莊村南起至村北止共灌田五十畝零

太和渠 自上宋曲茨兒溝起經南村至西莊村東止共灌田一頃七十畝零

北裕民渠 自上宋曲村起至下宋曲村止灌田一頃八十畝零

南裕民渠 自上宋曲村起至下宋曲村止灌田二頃零

長通渠 自下匣村東青石崖起至長橋村南止灌田兩頃零

永義渠 自梁家窠起經陳家溝至孟家灣止灌田五頃零

宏農澗東岸渠十道

誠意渠 自梨園莊村西起至函谷關止灌田五頃零

龍灣渠 自杏花村西北起至梨園莊村西北止灌田十頃零

靈寶縣志

卷二

建設

十一

新豫印刷所承印

順通渠 自店頭村東梁村北起經杏花村至高家灘村西止

灌田二頃四十畝零又分支渠一道自杏花村起經高家灘

至佛搖灣村西北止灌田一頃零

黃清渠 自馬泉頭村起至梁村北止灌田六頃零

源頭渠 自馬泉頭村北泉水起至梁村南止因河水衝崩灌

田二十畝零

隆盛渠 自東關村西南起經思平口村至小河南岸止灌田

五頃零

程公渠 自思平口村西起灌南田村河東地二頃零

廷評渠 在婁下村灌田八頃零

太清渠 自閻里村西南起經王家灣濁浴張家灣新莊澗東
東關萬柳莊申家灣思平口至小河南岸止灌田四十頃零
足民渠 自項城西南起至閻里村村北止灌田一頃零

灞底河東岸渠十道

通和渠 自三聖村西南起至南馬泉頭村伯王廟止灌田一
頃零

聖灣渠 自楸梓村西南起至灣底村西北止灌田二頃五十
畝零亦名搖灣渠

上河渠 自磕底村西南起至楸梓村西北止灌田五頃零
長清渠 自川口村北河嘴起經橫渠村至磕底村西北止灌

靈寶縣志

卷二

建設

十一

新豫印刷所承印

田四頃零

橫渠 自川口村北河嘴起經橫渠村至豬尾河止灌田一頃
五十畝零

永流渠 自趙吾村西起經川口布莊至橫渠村墳前止灌田
一頃零

和順渠 自莊底村起經川口寨子上圪窩搖布莊至閻謝南
溝村北止灌田三頃六十畝零

東陽渠 自田良寺起經趙吾村至川口村南止灌田一頃八
十畝零

樂民渠 自磨底村北起經窰底村至莊底村北止灌田二頃

七十畝零

民望渠 自城烟村南起經磨底村至南朝村北止灌田三頃零

灞底河西岸渠八道

通道渠 自南礮山村東南起經南礮山北礮山至東車村止灌田八頃零

富民渠 自北礮山村東南起經北礮山大中原小中原東車村周家巷至車村搖東北止灌田十頃零

古道渠 自北礮山村北起經大中原小中原至婁下村止灌田十頃零

靈寶縣志

卷二

建設

十三

新豫印刷所承印

昌民渠 自北礮山村北起經大中原小中原婁下村至十字

口止灌田五頃零

瑤爾背渠 自大中原村北起至灣底村西止灌田六十畝零
樂盛渠 自大中原村北起至十字口村北止灌田四頃五十

畝零

問和渠 自灣底村西起至三聖村北止灌田兩頃零

原灘渠 自灣底村西起至三聖灣村至馬泉頭西北止灌田三頃零

開方口河東岸渠四道

滋民渠 自道下村起經河灘開方口東澗口至禮村止灌田

六頃零

東渠 自東澗口村西南起至尹莊村東止灌田六頃零

上水渠 自東車村西南起至村東止灌田一頃零

順水渠 自車村瑤村南起至本村東北止灌田五頃零

開方口河西岸渠六道

紅陽渠 自開方口河西起經西澗口至濁浴村北止灌田八

頃零亦名宏陽渠

中和渠 自西澗口村東南起至尹莊村西南御史斜北灌田

九頃零

全河渠 自西澗口村東起至尹莊村西南止灌田十八頃零

靈寶縣志

卷二

建設

十四

新豫印刷所承印

又一道名

小興渠 灌田五頃零

顧家渠 自尹莊村東南起至本村西南止灌田六頃零

花戶渠 原名利水渠自尹莊村東起至西車村止灌田十二

頃零

曉清渠 自尹莊村北起至西車村西北止灌田九頃零

右渠十道指河分水按甲輪流甲派上七日下午七日水常不

足每十四日週而復始

外有

上清渠 在河灘未入甲

下清渠 在河灘未入甲

好陽河渠五道

小清渠 自峪口北崖起至欒村寨食用

中水渠 自峪口西起分二道一東經磨頭村至南宋村止灌

田一頃零一北至磨頭村北止灌田二頃零

永清渠 自峪口西起經磨頭村至觀音堂分二 東渠經下

磴村東西渠經下磴街中共灌田十三頃零又西渠北至路
井村入陂池中食用

益民渠 自峪口東南起至李曲村西北止灌田十三頃零

厚民渠 自閻家坪村南起經神窩村至寺上村止灌田一頃

靈寶縣志

卷二

建設

十五

新豫印刷所承印

零

沙河水渠一道

永泉渠 自水泉頭村南起至村北止灌田一頃零

燕廟水渠二道

燕廟渠 原名澤民渠自上陂頭村起至下陂頭村止灌田三
頃零

油水渠 自閻謝村北起至村西北止

泮水渠一道

函谷渠 自縣學泮池起傍城西流至宏農澗止

又有

仁義渠一道坐落賈峪村

以上共渠道六十八道皆照舊誌登記不敢增易一字因渠道關係甚重各村每起詞訟一字之更必致釀成爭端除舊志久淤無用者不須登載外其餘均按字核對不敢有誤至光緒元年修志以後若有增易情形須以縣署案卷爲憑將存案年月案由補載于後以資參考而以前所載仍不準更易以防僞造而杜爭端其中民國十八年興辦鐵路時城西鐵路北隔有灘地頃餘經地方紳耆懇求准留水洞一條以資灌溉此修鐵路者之大惠也其渠無名今名爲存惠渠以爲紀念云

附錄河陝汝道告示一紙

欽命二品頂戴署理分巡河南河陝汝等處地方驛傳水利道隨帶加三級許

出示曉諭事照得靈寶縣濁浴澗口兩村因分用宏陽渠水互相爭控屢結屢翻涉訟多年至今不息茲經本道親提人證卷宗迭經研訊察核兩造供詞詳稽歷次案卷定立新章剔除舊弊以期永遠遵守免滋訟累所定章程四條開列于後

一 應妥定章程永遠遵守也查宏陽渠計田分水輪流澆灌立法甚善只以經理不公互相爭執屢經官斷旋結旋翻詳查歷次斷案以怡州牧所斷最爲允當惟未與立定章程仍

由該村各立渠司不能公平辦事至今纏訟不休茲經本道親提研訊斷令公舉渠司稟縣諭充仍照怡州牧前斷按十四日爲一輪第一第二兩日歸澗口村第三第四兩日歸張家灣現在張家灣地畝既多半賣與澗口此兩日水仍準澗口借用俟張家灣復業卽行歸還第五第六兩日歸濁浴村與東西尹莊分用第七日復歸澗口村是爲上牌七日第八第九第十此三日歸尹莊村十一十二十三十四此四日歸四車村是爲下牌七日合兩牌十四天爲一輪週而復始上牌用水澗口濁浴兩村渠司公同上渠遵守新定章程秉公照料以期修好而敦和睦

一 宜公舉渠司以孚衆望也查渠司之責首重排難解紛必須衆望允孚始堪勝任該兩村向來各自私立渠司不免存私偏袒必須公舉公正之人稟縣諭充以昭公允嗣後濁峪澗口兩村公議各舉兩人共四人稟縣給諭充膺以兩人爲正渠司以兩人爲副渠司上牌七日正副渠司四人均須到渠公同照料如有妄事爭競者渠司正言開導不服約束者稟官傳究渠司按年遞推卽以上年副渠司兩人推爲正渠司另舉兩人充副渠司以均勞逸如值某年正渠司別有事故卽以副渠司改充副渠司有事公議另舉隨時稟縣給諭務擇家道殷實衆望素孚者公舉期可公平辦事共保治安

一 嚴禁苛派斂錢以杜訟源也查藉端苛斂擾害地方本干例禁該村歷年滋事釀命不一而足甫啓爭端先事斂派私和私控視若尋常亟應照例懲辦姑念事已完結既往不究自此次定章以後均不準藉端科派倘敢故違卽由渠司稟官照光棍例從嚴詳辦渠司知而故犯或容隱不舉一律究懲予受同科以伸禁令而免擾累

一 刊刻新碑以昭信守也查此次立定章程頒發告示應卽照錄刊碑以垂永久至怡州牧斷案所立用印合同仍分交兩村渠司收執其澗口村所稱古碑查係新刻寫作前明年號語句旣不明晰文意亦欠通順無論是否僞造均不足以

作憑據應將此碑磨滅已拓出碑文亦卽銷燬若有銷燬未盡者卽作爲廢紙不準再行謬執爭狡以期永斷葛藤以上章程四條經兩造中證當堂遵斷各具輸服甘結在案除分行陝州靈寶縣知照外合行書示曉諭爲此示仰宏陽渠附近各村農民人等一體遵照倘敢故行違犯一經查出或被告發定卽提案重懲本道言出法隨決不寬貸各宜凜遵毋違特示

渠司

齋奏廳 孟廣心 峻峯
段運箱 茂堂

公直

段清墨 三才
監生 孟玉 珍 克 春

首事

孟子魁 生員 孟廣容 書
楊生海 石工 趙興德 刻

大清光緒三十四年七月十六日立

創修三侯祠記

靈寶號略鎮北舊有大清渠一道渠口由澗東吳家崖起至墻底村止渠身長二十里渠寬七尺因歲久崩塞下流無水陝州牧嚴侯前邑令俞侯與現任盧侯以撫憲涂公札飭興復各處水利乃親勘利弊督夫濬疏嚴侯且捐俸買置渠身以彌村人爭訟釁端頒示灌溉日期革除前日霸水諸弊先後開並大清益民凡三渠惟大清一渠施功勤得效溥始終稟請民衆籌費者吾友陳維江學海以一身肩之事葺造冊二錄存渠圖札稟批等文字請州印一冊走三原邀吾復齋先生識數語陸續屬遠邇諸友各贅說其間今同衆爲三侯創祠渠旁持冊來徵記

夫樂利遺民雖一端亦不能忘三侯之所爲固皆惠養者本分學海之賢勞亦惻念桑梓而爲其不得不爲第創祠之舉誠出於閭閻之心之不容已而適足爲當世牧司令長者之勸昔分甯祠濂溪鄜上元祠明道同安祠晦菴皆以簿祈州祠橫渠以司法參軍茲數大吏皆以佐僚下吏致民不忘必其所以遺民之樂利乃皆爲政之全體而非拘拘於佐貳莫敢有爲之科三侯也者將由一端以推及其全異日致君報國拯民湯火之中當不止號鎮一渠之俎豆而已偶憶西門豹令鄴穿三渠以濟民民獲其利後乃毀令所穿渠爲馳道蓋善作不必善成善始不必善終竊願他日勿使成鄴令之三渠俾三侯之惠永永

無替焉因並及之後之人尙念茲哉

嚴侯諱作霖字茂之浙江慈谿人 俞侯諱炳字守之江南人
盧侯諱佑珊字幼山燕山人 所有官買渠身地畝暨捐地在
事出力姓氏臚列於後至 撫憲示批州道告示後先支費若
干皆載碑陰碑循名覈實有所稽考云

官買渠身地畝南田村共長五百四十五弓九小尺寬七大尺
合地三畝一分八厘四毫四絲二忽北田村西社共長二百六
十七弓八小尺寬七大尺合地一畝五分六厘二毫一絲七忽
北田村東社共長一百五十弓一尺寬七大尺合地八分七厘
五毫五絲八忽又續買南田村渠身地畝共長一百一十七弓

靈寶縣志

卷二

建設

二十

新豫印刷所承印

八小尺寬七大尺合地六分八厘七毫一絲六忽又買北田村
渠身地畝二段四分七厘一坐落李家堂西一坐落南巷口文
契俱存縣署糧由官納

陳南宅捐渠身地畝共長一百二十九弓寬七尺合地七分五
厘二毫五絲坐落北田村東社界內契存縣署糧由官納

陳維江捐渠身地畝共長一百八十六弓寬或二弓或二弓三
大尺合地一畝四分五厘坐落號略鎮北吳家灣有文契四章
俱存縣署糧由官納

孟民康捐渠身地畝共長五十弓西寬七弓四尺中寬五弓東
寬二弓合地一畝坐落小寨契存縣署糧由官納

華陰生員王守恭撰文

山右生員喬

嶽書丹

首事陳維江

和衷

生員白名士

廩生劉延梓

許秀亮

監生李逢源

許名卿

蘇林雲

貢生孟民利

劉普治

從九何興邦

工房張克昌

杜子中

公直

監生陳河圖

陳景雲

監生何源海

王子珍

理問陳景星

楊奇文

蘇宗孟

王靖邦

杜瑞祥

貢生陳景泰

任邦直

王修辭

李育賢

李提元

光

緒

七

年

辛

巳

十

二

月

穀

旦

靈寶縣志

卷二

建設

二十一

新豫印刷所承印

